



RETTELEIING TIL SØKNAD OM REDUSERT FORELDREBETALING I BARNEHAGE OG GRATIS KJERNETID

Nasjonal ordning for reduksjon i foreldrebetaling (innført av Regjeringa frå 01.05.15)

Ordninga skal sikre at inga hushald skal betale meir enn 6 prosent av inntekta si for ein barnehageplass.

F.o.m. 01.01.18 vil dette gjelde for hushald som har ein samla inntekt lågare enn 533 500 kr pr. år.

Foreldrebetalinga bereknast ut frå hushaldet si samla skattepliktige person- og kapitalinntekt. *Eks: brutto årsinntekt kr 350 000*6 % = kr. 21 000 per år. Med 11 betalingsmånadar vert betalingsatsen kr 1 909 per månad.*

Ved søsken i barnehage vert det gitt søskenmoderasjon. For barn nummer to betalast 70 % av det som betalast for barn 1, i dette eksempelet kr 1 336, og for barn nummer 3 betalast 50 %, her kr 954.

Som eit hushald reknast ektefellar, registrerte partnarar og sambuarar. Som sambuarar reknast to ugifte personar over 18 år som bur saman, og som har budd saman i eit ekteskapsliknande forhold i minst 12 av dei siste 18 månadane, eller har felles barn. Bor eit barn fast hos begge foreldra, skal foreldrebetalinga bereknast ut frå inntekta i hushaldet der barnet er folkeregistrert.

Gratis kjernetid for 3-, 4-og 5-åringar i hushald med låg inntekt

Alle 3-, 4- og 5-åringar, og barn med utsett skulestart, som bur i hushald med låg inntekt, har rett til å få 20 timar gratis opphaldstid pr. veke i barnehagen. F.o.m. 01.08.17 gjeld dette for hushald med lågare samla inntekt enn 428 000 kr pr. år.

Dokumentasjon som må leverast med søknaden

Sjølvmeldinga frå det siste året skal leggjast ved søknaden som dokumentasjon. Sjølvmeldinga vil normalt innehalde dei fleste skattepliktige person- og kapitalinntekter (aktuelle postar: 1.6, 1.7, 2.1, 2.2, 2.4, 2.8 og 3.1). Dersom noko ikkje er registrert på sjølvmeldinga av skattepliktig person- og kapitalinntekt, er søkjar pliktig å opplyse om det i søknaden. Ved vesentleg endring i inntekt i forhold til siste året si sjølvmelding, eller ved endring i løpet av barnehageåret, skal søkjer leggje fram ei stadfesting frå arbeidsgjevar/evt. andre instansar over brutto inntekt per månad, samt lønsslipp frå siste månad. Dette gjeld og for dei som ikkje har ein sjølvmelding, t.d. som følgje av kort butid i landet.

Frist for innlevering av søknad m/dokumentasjon er **1. juni** kvart år, for å vere garantert handsaming av søknaden innan nytt barnehageår (august).

Redusert sats vert i utgangspunktet innvilga for eitt barnehageår (haust/vår), under føresetnad av at hushaldet sitt inntektsforhold er uendra i perioden. **Ein må søkje på nytt kvart barnehageår viss ein framleis har grunnlag for redusert sats.** Dersom kommunen ikkje får ny søknad m/dokumentasjon frå hushaldet, vil neste barnehageår automatisk bli fakturert med full sats. **Dersom eit hushald får vesentlege endringar i inntekt i løpet av barnehageåret, eller eit barn byrjar i barnehagen midt i året, kan hushaldet likevel søkje utover den fastsette fristen ovanfor.** Reduksjon kan då innvilgast frå og med påfølgande månad. Då vil det ikkje bli gitt reduksjon med tilbakeverkande kraft. Dersom den påfølgande månad allereie er fakturert, skal faktura betalast sjølv om reduksjon innvilgast.

Dersom hushaldet sitt inntektsforhold endrar seg slik at det kan ha betydning for fastsetting av reduksjonen, skal dette meldast til Hjelmeland kommune v/oppvekst, sjølv om det er innanfor ein allereie innvilga periode. Dette kravet gjeld både dersom inntektsendringa vil medføre større, mindre eller bortfall av reduksjon. Dersom inntektsendringar ikkje meldast, vil dette bli oppfatta som feilaktige opplysningar. Me gjer merksam på at feilaktige opplysningar om hushaldet sitt inntektsforhold vil føre til fakturering av full sats og at kommunen kan krevje etterbetaling dersom hushaldet feilaktig har fått reduksjon.

Hushaldet er sjølv ansvarleg for å: setje seg inn i rettleiinga, ta kontakt for å få forklart uklare forhold og gje fullstendige og korrekte opplysningar samt nødvendig dokumentasjon.

Kontaktperson i kommunen er oppvekstrådgjevar Ann-Cathrin Berge Kleppa:

tlf. 40439177, e-post: ann-cathrin.berge.kleppa@hjemmeland.kommune.no

Søknad skjer gjennom elektronisk søknadsskjema i søknadssenteret på Hjelmeland kommune si heimeside. Vedlegg kan anten lastast opp med søknaden, eller verte ettersendt i posten til:

Hjelmeland kommune, Vågavegen 116, 4130 Hjelmeland.